



CENTRO NACIONAL CHEGA!! P

DA MEMÓRIA À ESPERANÇA



Istória Pesoál

José Alexandre



**Serbisu Hotu Nakonu
Ho Risku**

Ha'u moris iha Same, loron 20 fulan-abríl 1969. Ha'u niakódigu funu nian maka Alu Padsonio. Ha'u hasoru António Ai-tahan Matak, Ramos Leolima, António Lay no Domingos dos Santos (Maromak Aileu) iha Lahane tinan 1987. Bainhira forsa indonézia kaptura tiha António Ai-tahan Matak ami ida-idak namkari no ha'u subar tiha iha Same. Ha'u mai fali Díli loron 31 fulan-agostu tinan 1988 hodi buka kolega sira hanesan Laloran Mutin, Kene, Sakana, Maromak Aileu no ami harii grupu ida entre tinan 1987- 1989.

Entre tinan 1990 to'o 1992, aumenta tan kolega lubuk ida hanesan Lasama, Maubuter, Buiada, Mausasin, Lamberto, Acacio, António no Calma. Hamutuk kolega sira ne'eharii kaixa klandestina ida ho naran Los Cabubu iha tinan 1993. Ha'u rasik sai responsavel prinsipál, Segundu Vise - Kene, Sekretáriu - Britas, Responsavel Seguransa - Sakana no konselleiru - Maromak Aileu. Tinan 1994 ami hasoru lider rezisténsia nian hanesan Nino Konis Santana no Somotxo iha Ersoi (Ermera) Rejiaun 4 nian.

Liutiha ne'e komesa habelar serbisu kaixa nian via Díli. Hanesan ba Manleuana A, serbisu klandestinu entrega ba Elbino Mário dos Santos, Leonito Guterres (Sarai), José Maria no Francisco Leão (Mauta).



CENTRO NACIONAL CHEGA! I.P

DA MEMÓRIA À ESPERANÇA



Konti...

Manleuana B entrega 58 ba Salomão Soares (Buiada), Celestino Gusmão (Lemkari), Carlos Sarmiento (Sakarai), Luciano Tilman (Mauha), Lisbutak, Domingos Tilman (Lasama), José Ataide (Rai Moris), Marcos Tilman (Sakunar), Cipriano Mauquinta (Makikit). Becora nia responsavel entrega ba Moises, Carlito, Filomeno no António. Lahane nia responsavel entrega ba Maromak Aileu husi tinan 1994-1995, idane'ebé nia hamoris via seluk iha Same.

Grotu nia responsavel entrega ba João da Silva Neves, Alfredo da Silva, Valente da Silva no Mário de Jesus. Daisua nia responsavel entrega ba Manuel de Andrade, Elpino Araújo, Fernando Silva no José Araújo Costa. Babulu nia responsavel entrega ba Hilario de Jesus, Manuel Moniz, Filomeno Pregos no Francisco de Araújo Amaral (Fini). Ainaro nia responsavel entrega ba Paul Augusto, Filomeno Bianco, Armando Magno no Luciana Martins. Entre tinan 1995-1996 ita mós hetan ligasaun direta husi estafeta Frente Armada nian hanesan Angelo Almeida ne'ebé to'ó mai hodi esplika kona-ba unidade nasional no luta ba ukun rasik-an. Husi período ne'e Laloran Mutin hamoris via seluk iha Bacoledo (Aileu) ho responsavel maka Mausasin, Matak, Kakuk no Lambibi. Entre tinan 1996- 1997, Maubutar hamoris via dalan seluk iha Samalete (Ermera) ho responsavel entrega ba Manuel dos Reis Martins (Lasoe), Tome Mouzinho (Neon Kloot), Vasco Lai no João Reis. Iha Railaco Leten entrega ba Adolfo da Silva, Augusto Cruz no Pedro Fátima.



CENTRO NACIONAL CHEGA! I.P

DA MEMÓRIA À ESPERANÇA



Konti...

Iha momentu ligasaun sira seidauk fasil, ita konvense ema barak liuhosi meu oioin. Hanesan tau sinál 55, hemu raan ka liuhosi juramentu. Ema husi organizasaun oioin mai halibur iha Kaixa Los Cabubu. Serbisu hotu momentu ne'ebá nakonu risku, maibé ita susesu hodi fó apoiu ba malu no halo rede klandestinu sai boot.

Iha okupasaun 59 indonézia ukun besi nian hahú husi RT (Rukun Tetangga), RK (Rukun Keluarga), Babinsa (Bintara Pembina Desa), Bimpolda (Bimbingan Polisi Desa), jaga malam, intelijen sira ne'ebé mesak kontrola husi TNI. Ida-ne'ebé lahanoin rua? rua atu halo torturasaun, intimidasaun, oho ka lori lakon populasaun ne'ebé sira deskonfia hanesan GPK (Gerakan Pengacau Keamanan).

Entrevistadora: Veronica dos Santos Sarmento – E.S. Santa Madalena de Canossa.